

SINAR HARIAN 12/07/14

50 bantu isi tabung darah HSNZ



Sebahagian warga Unisza dan orang ramai yang menderma darah di Masjid Unisza.

KUALA NERUS - Kira-kira 50 hadir menderma darah sempena Program Terapi Ramadan anjuran Pusat Islam Universiti Sultan Zainal Abidin (Unisza) di Masjid Unisza, dekat sini, malam kelmarin.

Pengarah Pusat Islam Unisza, Dr Mohd Shafiee Hamzah berkata, program itu menjadi aktiviti tahunan setiap Ramadan dalam usaha menggalakkan lebih ramai menderma darah.

"Alhamdulillah, sambutan yang diterima amat menggalakkan daripada warga Unisza dan komuniti setempat.

"Selain memberikan kesihatan kepada tubuh badan, tujuan utama derma darah ini adalah untuk mengisi tabung darah Hospital

Sultanah Nur Zahirah (HSNZ) yang kita semua sedia maklum memerlukan bekalan banyak terutama menjelang musim perayaan nanti," katanya.

Beliau berkata, program yang mendapat kerjasama HSNZ itu turut menjadi landasan terbaik mengeratkan silaturahim melalui aktiviti sihat dan berfaedah.

"Seiring dengan kedatangan Ramadan, program seumpama ini diharap mampu menambah keinsafan dan mencambahkan hasrat untuk membantu seramai mungkin mereka yang memerlukan," katanya.

Aktiviti lain turut diadakan adalah majlis berbuka puasa, bersahur dan qiamullail untuk warga Unisza dan masyarakat setempat.